



Akissarsiat pillugit politikki

Akuerineqartoq ull. 17. juni 2025

1. Tunuliaqutaq siunertarlu

KNi A/S-ip periusissiaanut naleqartitaanullu akissarsianut politikki tunngavissiissaaq qullersaqarfimmilu atorfillit siulersuisullu Inuussutissarsiornermut Ingerlatseqatigiiffinnullu Aqutsisoqarfimmi nalunaarsugaasut akissarsiassaasa atorfinitsitaanermilu atugassarititatigut tunngavissaat aalajangersassallugit siunertaralugu.

KNi-mi sulisut qanorluunniit suaassuseqaralarunik assigiimmik suliallit, imaluunniit suliat taamaaqataannik isigineqarsinnaasunik suliallit, assigiimmik akissarsiaqartinneqarnissaat akissarsiat pillugit politikkip tunngavilissavaa. Akissarsiat assigiinngissappata tamanna tunngavilersorluarneqassaaq kinaassusersiorneqartaqassananilu.

Ingerlatseqatigiiffinni pisortanit pigineqartuni akissarsianut politikki pillugu piginnittup pingaarnertut najoqqutassai KNi A/S-ip eqquutsippai, qullersaqarfimmilu atorfilinnut siulersuisunullu akissarsiat pillugit KNi A/S pisortanit pigineqartutut ammasuunissaminik immikkut pisussaaffeqarpoq.

Siulersuisut qullersaqarfimmilu atorfillit sulisoriinnarumallugit piukkunnaateqartullu atorfininnissaannut kajungilersikkumallugit KNi unammillersinnaasunik akissarsiaqartitsinissaminik kissaateqarpoq. Pisortat suliffeqarfiutaanni namminersortumi pissutsit atuuttut matumani eqqarsaatigineqassapput.

2. Aaqquissuussaneq, akisussaaffik akuersissuteqartarnerlu

KNi A/S-ip qullersaqarfiani atorfilinnut siulersuisunullu akissarsiatigut atorfinitsitaanermilu atugassarititatigut sinaakkutissat akissarsianut politikki aalajangersarneqarput.

Akissarsiat pillugit politikkip suliarinissaanut iluarsiissuteqarfiginissaanullu siulersuisut ikiussallugit Akissarsianut ataatsimiititaliap suliasaraa. Akissarsiat pillugit ataatsimiititaliap akissarsiat pillugit politikki ukiumut ikinnerpaamik ataasiarluni misissortassavaa.

Akissarsiat pillugit politikkip iluarsiiqqineqarnissaa Akissarsianut ataatsimiititaliap pisariaqartutut nalilerpagu, siulersuisunit oqaluuserisassanngorlugu akuersissanngorlugulu akissarsiat pillugit ataatsimiititaliaq innersuussissaaq. Siulersuisut innersuussut akuersissutigippassuk, akissarsiat pillugit politikki iluarsisaq, siulersuisut juunimi ataatsimiinnerini oqaluuserisassanngorlugu akuerineqartussanngorlugulu saqqummiunneqassaaq.

3. Politikkip allaatigineqarnera

3.1. Siulersuisunut akissarsiaqartitsisarnermi tunngaviit

Piginnittuusup akissarsianut pingaarnertut politikianut naapertuuttumik siulersuisut aalajangersimasumik akissarsiaqartillugit akissarsititsisoqartarpoq. Akissarsiat amerlassusaat ataatsimeersuarnermi akuersissutigineqartarput, ukiumoortumillu nalunaarusiami paasisutissiissutigineqarlutik. Naalakkersuisut Namminersorlutik Oqartussat aktiaateqarluni ingerlatseqatigiiffiutaanni akissarsiaqartitsisarnermut politikkiat pillugu kaajallaasitaq ulloq 9. maj

2024-meersoq KNI-p eqquutsippaa. Akissarsiat qaammatit pingasukkaarlugit kingumoortumik akilerneqartarput. Ingerlatseqatigiiffiup siulersuisuini ilaasortat siulersuisuni sulinerminnut atatillugu angalanerinit, akunninnerinit, attaveqarnermut allanullu aningaasartuutaat suliffeqarfiup akilertarpai.

3.2. Ataatsimiititaliap akissarsisinneqartarneranut tunngaviit

Siulersuisut suliassaannik piareersaataasumik suliaqartussamik siulersuisut ataatsimiititaliamik pilersitsisinnaapput. Siulersuisut pilersitaannut ataatsimiititaliami ilaasortaagaanni akissarsiassatut siulersuisut aalajangersagaat naapertorlugu siulersuisunut ilaasortat akissarsitinneqartassapput.

Naalakkersuisut Namminersorlutik Oqartussat aktiaateqarluni ingerlatseqatigiiffiutaanni akissarsiaqartitsisarnermut politikkiat pillugu kaajallaasitaq ulloq 9. maj 2024-meersoq tunngavigalugu Namminersorlutik Oqartussat akitaateqarluni ingerlatseqatigiiffiutaanni siulersuisuni ilaasortanut akissarsiat aalajangersimasut saniatigut KNI A/S allanik akissarsiaqartitsisinnaangilaq.

Naalakkersuisulli akissarsiaqartitsinermit kaajallaasitaat naapertorlugu siulersuisunut ilaasortat ataatsimiititalianut ilaasortanerinit akissarsiaqartinneqarsinnaapput.

3.3. Qullersaqarfiup akissarsiaqartinneqarneranut tunngaviit

Qullersaqarfik aalajangersimasumik akissarsitinneqartarpoq, soraarnerussutisiassanullu tapiiffiqineqartarluni.

Ingerlatseqatigiiffiup qullersaanut akissarsiaqartitsineq qaffasissutsimut katitigaanermullu tunngatillugu atorfinnut sanilliussissutigineqarsinnaasunut annertuumik akisussaaffeqarfiusunut naleqqiullugit naammaginnartumik pilerinassuseqassapput. Aningaasarsiat aalajangersarneqassapput ingerlatseqatigiiffiup pisortaniit pigineqartutut inissisimaneranut naapertuuttumik. KNI Namminersorlutik Oqartussanit pigineqartutut akissarsiatigut siuttuussanngilaq.

Akissarsiaqartitsineq ersarissunngorlugu sapinngisamillu pisariitsunngorlugu aaqqissuunneqassaaq, ingerlatseqatigiiffiullu soqutigisaanut naapertuuttunngortinneqarnissaanik qulakkeerinnilluni. Qullersaq angusat aallaavigalugit immikkut ajunngitsorsiassaqartinneqassanngilaq.

Qullersap aalajangersimasumik akissarsiai, isumaqatigiissut naapertorlugu, ukiumut naatsorsuutit naammassinerisa kingorna ukiut tamaasa naliliiffiqineqartassapput.

3.4. Allatigut kajuuummissutsit

Akissarsiat pillugit ukiumoortumik oqaloqatiginninnermit atatillugu, pisortaanerup naliliineratigut KNI-mi atorfillit, matumani pisortat ilanngullugit, suliaannut naapertuuttumik bonusisiaqartinneqarsinnaapput, annerpaamik qaammammut akissarsiassat amerlaqataannik. Bonusi ataasiartumik ajunngitsorsiatut tunniunneqartassaaq.

Pisortanut ataasiakkaanut bonusisitsinerit, qaammammullu akissarsiaqartitsinermit aningaasarsiaanit anneruppat, pisortaneq immikkut illuinnartumik Akissarsiat pillugit ataatsimiititaliamut

innersuussuteqarsinnaavoq.

Akissarsiat pillugit ataatsimiititaliaq qaammatit pingasukkaarlugit pisortatut atorfilinnut bonusisitsinerit pillugit ilisimatinneqartassaaq – sunalu pissutaanersoq ilisimatinneqartassalluni - ingerlateqatigiiffimmi nalinginnaasumik aningaasarsianut siunnersuut ilanngunneqartassalluni.

Immikkut ittunik isumaqatigiissutinik akuersissuteqarneq:

Nalinginnaasumik isumaqatigiissutinit atuuttunit isumaqatigiissutit annertuumik nikingasut Akissarsiat pillugit ataatsimiititaliamit suliarineqarsimasumit ataatsimiititaliap akuersissutigisassavai, assersuutigalugu pisortanut qullersaqarfimmik qaninnertut pisortaaffigineqartunut appasinnerpaamik akissarsiassanit qaffasinnerusinnaasut akuersissutigisassallugit.

3.5. Atorfimmiit soraarneq

Qaammatit aqqaneq-marluk siumut nalunaaruteqarnermigut KNI A/S qullersamik soraarsitsinnaavoq. Qullersaq qaammaatinik pingasunik siumut nalunaaruteqarnikkut, atorfimminit tunuarniuteqarsinnaavoq. KNI tunuarnermi ajunngitsorsiaqartitsineq ajorpog.